

შინაური საქმეები.

№ 8.

შასი ერთი შაური

ფლიური შასი + შას.

წელიწადი შეიქმნა

უძველ-კვირეული გაზეთი

კვირა, 3 მარტი 1913 წელი

უძველ-კვირეული გაზეთი

შინაური საქმეები

საბჭო № 17. და ამოღების გამოგეყდათ ხომალტის მასალის დაწვასა. გამოგვა უყველ თვეში ოთხი ნომერი.

გაზეთის ფასი:

წლიური ფასი: 4 მანეთი.	წლიური ფასი: 4 მანეთი.
წლიური ფასი: 2 მანეთი.	წლიური ფასი: 2 მანეთი.
წლიური ფასი: 1 მანეთი.	წლიური ფასი: 1 მანეთი.
წლიური ფასი: 2 აბაზი.	წლიური ფასი: 2 აბაზი.

საბჭო № 17. და ამოღების გამოგეყდათ ხომალტის მასალის დაწვასა. გამოგვა უყველ თვეში ოთხი ნომერი.

საბჭო № 17. და ამოღების გამოგეყდათ ხომალტის მასალის დაწვასა. გამოგვა უყველ თვეში ოთხი ნომერი.

შინაური: 1. მაქსიმე აბაშიძე. უკანასკნელი კათალიკოსი იმერეთისა; 2. უძღები შვილი—კატე გებელისა; 3. ერთი კვირე ჯრუჭის მონასტერში—ლეკ. 7. წიგნ-თლისა; 4. ისტორიული ნაშთები გურიისში—კვ.-სა; 5. მოწერილი იმბები, ა) დამსწრეთი, ბ) მღ. იოანე ციცი შვილისა, გ) ილარიონ ხარზილადესი, დ) მღ. კლ. მაჭარაშვილისა, ე) ჩხარულისა; 6. წერილი რედაქციის მიმართ—ბლად. მღვ. იოანე მარტიანისა; 7. მაღლო-ბის გამოცხადება.

მაქსიმე აბაშიძე

უკანასკნელი კათალიკოსი იმერეთისა. (1776 — 1795 წ. წ.)

(ბ. თევდორე ჟორდანიას წერილისა გამო: „ბიკვინტის სიგელ-გუჯრები“).

აუწერელი აღტაცებით მივეგებებ ჩვენი მცხოვანი არქეოლოგ-ისტორიკოსის თ. დ. ჟორდანიას ხელახლა გამოსვლას სამეცნიერო ასპარეზზე. „ბიკვინტის სიგელ-გუჯრების“ წაკითხვაზე ცახცახი დავიწყე! ეს ცახცახი იყო სიხარულის და დიდებული წუთის განცდა! რა მახარებდა მე? ორი გარემოება: ერთი ის, რომ საშრობლომ შპოვა დიდი ხნით მიფარებული ძე მუშაკი, რომელზედაც გულ-დაწყვეტილი იყო მიბარებული ქანქარის დაუქმებისათვის, მეორე ის, რომ თვალ-წინ წარმომიდგა დიდებული სურათი მამა-პაპათა ღვაწლისა, ამავისა, სხივ-მოსილი ჩვენი წარსულისა, და გულ-

*) იხ. ჟურნ. „განთიადი“ № 1, 1913 წ. გვ. 217-218.

მა იგივე დიდებული წუთი განიცადა მთელი თავისი ძალით! შადლი უფალსა, რომელმაც მისცა ბეჩავი მამულის მეცნიერს შეიღოს ძალა დაბრუნებისა იმ ასპარეზზე, სადაც ერთ ღროს მან ღრმად გაავლო კვალი და აღბეჭდა ნავალი თვისი! დიდი ხანია ბ. თ. ჟორდანიას აღარ უმუშავნია ჩვენი მეცნიერებისათვის და ყოველი ჭეშმარიტი ქართველი ვალდებულია სიხარულით მიეგებოს მის გამოსვლას. ბ. ჟორდანიას დიდი მომზადება აქვს ქართულ ისტორიაში. მომზადებას გარდა კიდევ რამ სჭირდება ისტორიკოსს — საჭიროა ალღოს აღება ერის წარსულისა, მისი სულისა, ორგანიულად შეხორცება მასთან, სულიერი განცდა მისი სულის კვეთების დედა-ძარღვისა, და სამხიარულოდ, სწორედ აქაც ამაყად შეუძლია ჟორდანიას სთქვას, რომ დღეს იგი ერთადერთი შეიარაღებული ქართველია ჩვენი წარსულის შემგნები, მცოდნე, მისი ალღოს ამღები. ჩვენი სასულიერო კულტურის და ეკლესიის ისტორიის დაწერა, ჩვენი აზრით, დღეს მარტო ჟორდანიას შეუძლია, მარტო მას აქვს ამისათვის ყველა საჭირო მასალაც და ცოდნა-გრძნობაც და კიდევ ავალებს მას მშობელი ერი ემსახუროს ამ საქმეს, დიდი ენერგიით და ნიჭით დაწყებული საქმე განაგრძოს, დაავიჯინოს, მიბარებული ქანქარი დაუბრუნოს მშობელს „მონაგვებითურთ“, გამოაქვეყნოს ის უხვი და ფასდაუდებელი მასალა, რაიცა ხელთ აქვს, გამოსცეს თვისი ქრონიკების 3-4 წიგნები და დარწმუნებულიც იყოს ბ. ჟორდანიას, რომ საშობლო, დიდილი ერი შემქნელი ამ კულტურისა და ამ წარსულისა, კი შესძლებს მისი მოამავე შეიღოს დედაწლის დაფასებას. მეორე მხრივაც, მხოლოდ აქ შეიძლება ბ. ჟორდანიას სახელის შექმნა და განდიდება და არა იქ, სადაც იგი იმას წინეთ ხელმოკლეობამ ჩაავლო.

ამ წინასიტყვაობის შემდეგ, ნებას მივცემ ჩემს თავს ბ. თ. ჟორდანიას ზემო ამოწერილი წერილის შესახებ, ანუ უკეთ ვსთქვათ, დასაძენად, აქ მკირე ისტორიული შენიშვნა გაუაკეთო.

ბ. ჟორდანიას იმერეთის უკანასკნელი კათალიკოსის მაქსიმეს შესახებ შენიშნავს: „სწერენ 1795 წელს ის კიევიში მოკვდა“, სადაც დღემდე ინახება მისი ძვირფასი მიტრა და სხვა სამკაული. მაგრამ როგორც ერთი გუჯრის პირიდან სჩანს, მაქსიმე (მეორედ?) წაბრძანებულია რუსეთში 1804 წელს და არ დაბრუნებულია. ჭეშმარიტი ცნობა არა გვაქვს იმაზე, თუ როდის გადაიკვალა („განთიადი“ № 1, გვ. 267—268).

ამაზე უნდა მოვახსენოთ პატივცემულს ჟორდანიას, რომ სწორედ „ჭეშმარიტი ცნობა გვაქვს იმაზე, თუ როდის გადაიკვალა მაქსიმე. კიევის პეჩორის ლავრის დიდი ეკლესიის კედელში სამხრეთით გარედან არის ჩაჯენილი ოთხკუთხიანი ბრინჯაოს ფიცარი, რომელზედაც შემდეგ სწერია: „въ царствованіе благочестивѣйшія, Самодержавиѣйшія, Великія Государыни, Императрицы Екатерины Алексѣевны вторыя, Самодержицы Всероссійскія, при наслѣдникѣ Ея благоверномъ Государѣ Цесаревичѣ Великомъ Князѣ Павлѣ Петровичѣ“. (ნამოთვლილია მთელი სამეფო სახლობა) отъ воплощенія Бога Слова 1795 г. мѣсяца мая 30 дня въ среду въ началѣ 7-го часа пополудни представился Пресвященныи Максимъ, каталикосъ Имеретинскіи, Абхазскіи, пребывавшии на школѣ въ градѣ Астраханѣ, пріѣхавшии же въ городъ Кіевъ на Богомолье, имѣвшии отъ рожденія своего не стъ большаиъ (sic) 70 лѣтъ болашшии каменною (sic) бѣлѣзною и шю-студюю и погребень здѣсь въ Кіевѣ-Пе-

*) აქვე უნდა იხილოს 1796 წელს, როცა მაქსიმე მოიკვდა.

черекной Лавры на правой стороне великия церкви Успения Пресвятыя Богородицы отъ стѣны предѣла девять разстояннѣе стѣмъ (sic) аршинѣ исполненѣе духовнаго предѣ свѣтомъ Слова.“

ეს ცნობა, როგორც ვეცნობა ბევრს სხვასაც არ ჰქონია, ვისაც მაქსიმეზე უწერია. ბ. ა. ნატროშვილი მაქსიმეს სიკვდილს სდებს 1796 წელს (Михель и его соборъ... стр. 444), თანაც მაქსიმე ნიუარაძედ გამოჰყავს. ყოვლად სამღვდელო კირონს სკოდნია დღე და წელი მაქსიმეს სიკვდილისა, როგორც კიევიში ყოფილს, მაგრამ გვარად ნიუარაძე ჰგონია. (Кр. очеркъ ист. Груз. и. стр. 69). შამა კარბელაშვილიც სცდება, როცა უჩვენებს 1796 წელს (იერარქია საქ. ეკლესიისა, გვ. 210).

ვეგონებ, ბ. ყორდანია შეუყვანია შეცდომაში დ. ფურცელაძეს, რომელმაც შეცდომით ერთი გუჯარი მაქსიმეს შესახებ 1784 წლის ნაცვლად 1804 წლისად გამოაცხადა (Церк. Гудж. 154 გვ.). როგორც მოგვხსენებათ, დ. ფურცელაძემ შეცდომებით ააესო მის მიერ გამოცემული საეკლესიო გუჯრები და ამით ბევრ გამოუცდელ მკვლევარს დაეთარი აურია. მაქსიმე აბა როგორ წავიდიოდა რუსეთში 1804 წელს, როცა ამ დროს ის ცხრა წლის მკვდარი იყო! შართალია, მაქსიმე ორჯერ იყო გაგზავნილი რუსეთში ელჩად, მაგრამ არა 1769 წ. და 1804 წელს, არამედ პირველად 1768 წ. მეფე სოლომონ დიდის დროს და მეორედ 1784 წელს მეფე დავითის დროს^{*)}. მოვიყვან აქ დ. ფურცელაძის შეცდომების რამოდენსამე ნიმუშს. ფურცელაძის

*) შეცდარია ბ. თ. ყორდანია იმაშიც, რომ უკანასკნელ კათალიკოსად იმერეთში სთვლას დონსთიონს და არა მაქსიმეს. (Абхазские каталитосы, стр. 23). დონსთიონზე იყო არა კათალიკოსი, არამედ „გამწე საკათოლიკოსოსი.“ (Церк. Гудж. 154; Еп. Кн. 1692, кр. очер. ст. 69).

გამოცემული მასალით; დავით ნემსაძე იყო იმერეთის კათალიკოსად 1682 წელს (?), 1685 წ., 1705 წ. და 1770 წელს, ე. ი. 82 წლის განმავლობაში! Церк. Гудж. стр. 147, 148, 151; შეადარე Brossot Aisijou 2, 439). გრაგოლ ლორთქიფანიძე კათალიკოსად სჩანს იმავე მასალებში 1706-1707 წ., 1716 წ. და 1773 წლებში, ე. ი. 67 წლის განმავლობაში! (იხ. Histoira v. Georgie II, 217; 256), იოსები სჩანს ჯერ ეპისკოპოსად 1912 წელს, 1711 და 1774 წლებში, 1759 და 1761 წლებში გაენათის მიტროპოლიტად, 1772-1783 წლებში ისევ კათალიკოსად! (Ц. Гудж. 134, 136-137, 141 148-150; Двор. Грам.). აი ასე სინდისიერად ეპყრობიან ჩვენ ისტორიულ საბუთებს!

რაკი შეცდომა გავასწორეთ და სადაო საკითხი საბოლოოთ გამოვარკვიეთ, ახლა მოვიყვანთ, რამოდენსამე ცნობას კათალიკოს მაქსიმეს ცხოვრებიდან, რადგან ეს ცნობები სხვებს არ მოჰყავთ.

1759 წელს ქუთაისში მეფე სოლომონ დიდის ბრძანებით და ბესარიონ კათალიკოსის თავმჯდომარეობით მოხდა საეკლესიო კრება, რომელმაც აღადგინა გაუქმებული ქუთაისის სამიტროპოლიტო კათედრა და მაქსიმე დასვა ქუთათლად. მიტროპოლიტობაში შეხვდა მაქსიმეს (1768 წ.) რუსეთში წასვლა ელჩად. რუსის მეფემ მაქსიმე დიდი სიხარულით და პატივით მიიღო. „Привѣдь сего митрополита, зкитобуლობот саბუთებში,“ весьма къ стати и времени“ (Ц. Г. 141; А. Цагарели: Грамоты, В. 1, стр. 19; Бутковъ: Матеріалы для новой исторіи Кавказа 1, 454-454; შ. იონა: მიმოხვლა, გვ. 39).

როცა იოსებ კათალიკოსი, ძმა სოლომონ დიდისა, გარდაიცვალა 1776 წ., მის ადგილზე აირჩიეს ქუთათელი მაქსიმე კათალიკოსობდა მეორედ რუსეთში წასვლამდე (1784 წ.). მაქსიმე ნამდვილი

მამა იყო ერისა, კაცი მხნე და განსწავლული, სიმართლის მოყვარე და გაბედული. საეკლესიო საქმეების არევის გამო მეფეებმა ბიკვიტის მამულების მმართველად, კანონის და ჩვეულების წინააღმდეგ, თავისი მოურავები დააყენეს. მაქსიმემ ეს ჩვეულება მოაშლევინა მეფეს. სოლომონ I და, მისი მეუღლე მარიამი და ძე მათი ალექსანდრე 1776 წელს აძლევენ მაქსიმეს ღრამატას, რომ ამიერიდან აღარ გავრევი საეკლესიო საქმეებში (II. Гудж. 151—152); მაქსიმე მაცადინობს ეკლესიის ნივთიერად უზრუნველყოფისათვის, თვითონაც სწირავს ქონებას და გლეხებს, სხვებსაც აწირვინებს. (ib 153; Опис. груз. ц. гудж. въ Имер. Еп. Капц. 1780 г.). ებრძვის თავგასულ გურიელებს მაგ. გიორგის და თავად თავდგირიძეებს და აიძულებს წართმეული მამულები და ყმები დაუბრუნონ ეკლესიებს. ამ დროს დასავლეთ საქართველოში ძლიერ ფეხ-მოკიდებული იყო ერთი საზიზღარი ჩვეულება — ტყვეების და მონების გაყიდვა თათრებზე. (იხ. Бѣлокуровъ, Матер. для рус. исторіи). ნამეტანი მადა-გახსნილი იყო ამაზე გურიელი გიორგი. მაქსიმემ კრება მოახდინა და გურიელი შეაჩვენა, პირობაც დაადებინა, რომ ამ საძაგლობას მოსპობს. ამ დადგენილობაზე ხელს აწერენ: ეპისკოპოსები გაენათისა ექვთიმე, შემოქმედელი იოსები და ნინოწმიდელი იოანე (II. Гудж. 152). ასეთივე დღე დააყენა მერაბ ლორთქიფანიძესაც იმავე საქციელისათვის (ib 153) და მამუკა გურიელს (Опис. ц. грам. въ Имер. Еп. Капц. за 1777 г.).

1784 წელს მოკვდასოლომონ დიდი, ტახტზე ავიდა მისი ბიძის შვილი, დავით გიორგისძე. ამან გაგზავნა რუსეთში მაქსიმე და ზურაბ წერეთელი შემწეობის სათხოვნელად. მოზდოკში მაქსიმე უქეიფოდ შეიქნა, უკან დაბრუნება ვეღარ

შესძლო და რუსის მთავრობამ ნება დართო რუსეთში „საუკუნოდ დარჩენისა“ (Бутловъ III, 204; Арх. Св. Синода 1784 г. № 305; იონა მიტროპოლიტი, 140).

1785 წელს მაქსიმეს მოსკოვში ვხვდავთ. აქ მან მიიღო ნება „მსახურობისა და ტიტულის ტარებისა“ („ყ-დ სამღვდლო კათალიკოსი იმერეთისა“). მიტრაც მისცეს ჯვრით დაგვირგვინებული (იონა, 140).

მაქსიმემ იერუსალიმის ხილვა განიზრახა. 1791 ასტრახანში მოვიდა, აქედან კიევით უხდა გამგზავრებულიყო იერუსალიმში. კიევში სწეულობამ უმატა და იქვე დარჩა სიკვდილამდე. 1793 წელს მას გამოუარა გზად ეგვიპტიდან და რომიდან მიტრ. იონა მროველმა (რუისელ—მროველი) გედევანიშვილმა, რითაც დიდად განიხარა უძღურმა მაქსიმემ.

სიკვდილის წინ მაქსიმემ დაიბარა დაემარხათ ის არა ეკლესიაში, არამედ გარეთ კედელთან, სამხრეთით, მისი მიტრა და პანაგია ბიკვიტაში გაეგზავნათ, რადგან ამ მონასტრის საფასით ჰქონდა გაკეთებული; ბიკვიტაშივე უხდა გაეგზავნათ ბარტყულა დიდი და პატარა ჯვრით. სხვა ნივთები დაუტოვა თავის-სავე ღვიძლ ძმას იღუმენ ანტონს, რომელიც თან ახლდა.

კიევის ლავრის სალაროში ახლაც ინახება მაქსიმეს ნაჰქონი ნივთები: ოდიკი ქართული (ხუტური) წარწერით, მიტრა ჯვრით, პანალია და კვერთხი.

მაშასადამე, მაქსიმეს ანდერძი არ შეუსრულებიათ და ბიკვიტისთვის არ გადაუციათ მისი მიტრა და პანალია.

მღ. მ. კელენჯერიძე.

უძღვები შვილი.

(ნათარგმნი*).

I.

ეს იყო ბაღების ხევის დასწვრივ. — იქ, სადაც არე-მარეს ფიფქი თოვლის ნაზი ზეწარი გადააფარებოდა, თითქოს ტრედის გულზე ამოსული ფაფუკი ღინღლიაო. სოლომონის ჯურღმულთ თავიანთი სვედიანი, დაბნედილი თვალები ზეცისთვის მიეპყროთ და იქ, სივრცეში დაბნეულიყვნენ. მოელვარე ვარსკვლავთ კურცხლები და გაბადრული მთვარე კი ერთს კუნჭულში მიკუნტულიყვენ განმარტოებით. წყლით ატივტივებული მდინარენი, ნაპირებიდან გადმოსულნი, თეთრ მოელვარე მდელით ზე გველივით მიიკლაკნებოდნენ და კიდევებზე უხვად რწყავდნენ მობიბინე, ამ მიძინებულ ზამთრის დროსაც კი, ამწვანებულ ბალახებს.

მწუხარე მწყემსი კი ხევის თავზე მიდიოდა. იმ ადგილებში შავ კლდეთა სავარცხლები დედა-მიწის გულს არწიათ შემორტყმოდნენ და დაეყვმათ, იქ შეფობდა უდაბნოს დუმილი, მწვავე სიცივე იყო და გულს სწყლავდა.

მისი ცხვრის ფარა უთავბოლოთ დაბოლიარობდა და, ცუდი ტაროსისა გამოქანტ-გამოღეული ცხვრები ძლივსღა მილასლასობდნენ, თავები ძირს დაეხარათ და დაბარბაკობდნენ იქით-აქეთ, თითქო დაბრაკული საძოვრიდან მონაველნი არიანო. შავ-შავი, კიკინებიანი თიქნები კლდეებზე დახტოდნენ, მოუთმენლად და გაუშაძლად დაბალი მუხებისა და გარეული ზეთისხილის ტოტებს და ფოთლებს სწიწქნიდნენ. აბობლდებოდნენ ხეებზე, ხტუნავდნენ და გადმოეკიდებოდნენ გამხმარ როკვებზე.

ის კი დაღვრემილი მიდიოდა და ცხვრის ფარას აგრე რიგად ყურადღებას არ აქცევდა.

მსუსხავი ქარიშხალი ქაცვისაგან დაკეწულს და გზაში ტალახისაგან ამოთითხნილ ტიროლის გძელ ბისონისაგან შეეყვრილ ქულაჯას განუწყვეტლად უბერავდა. ჩაქსოვლის აბრეშუმისაგან შეეყვრილი თექა მათლად

ერთიანად დაკონკილიყო, ტყავის სარტყელს კი შემოძარცოდა ვეცხლის და, ეინ იცის, ოქროს ძვირფას ქვებიანი სამკაულნი.

მისი ხუჭუჭა თმა უთიბრ-მათირა ჩამოჩეჩილიყო და აქა-იქ ძაფებივით ჩაბალახ ქვეშ ჩამოკიდებოდა; ძვირფას ყვითელი ტყავისაგან შეეყვრილი ფეხსაცმელები გასცვეთოდა გზაში სიარულით. სიცხისაგან დამწვარ ხელის თითებზე თეთრი ზოლები ემჩნეოდა; შეატყობდა კაცი ოდესმე თითებზე ბეჭდები სცმიაო. გრძელი დაკორხლილი ჯოხის, ანუ მძიმე მწყემსის კომბლის მაგივრად, დახარვეზებული, მურტის ხისაგან გამოკრილი წვრილი ჯოხი ეკაეა ხელში, მას ჯავარი აღარ ეტყობოდა.

მწუხარე მწყემსს, სჩანდა, გადაეტანა ის დრო, როდესაც დაკონკილი სამოსლის ჩაცმა ყველას სასიარცხვოდ მიაჩნია.

მისი ახალგაზრდა სახეც ტანისამოსივით გაცრეცილი და გაცამტვერებული იყო. უდაბნოს არე-მარეზე მიმობნეული მთვარის საუცხოვო შუქი მისთვის ისე არაფერს ნიშნავდა, როგორც მისგან განვლილი გზის სიძნელე. ის მაგრად გამოხვეულიყო თავის დაკონკილ თექაში და მიეშურებოდა წინ; ხანდისხან თუ დაიხედავდა თავ დავიწყებით ძირს.

მთის საშვეედან ბილიკი წისქვილის არხზე მიჰყვებოდა და გაივლიდა კლდის ძირას; ამ ადგილას, უეცრად გამოეარდა საში თავიდან ფეხებამდე შეიარაღებული კაცი და ეცნენ საბრალო მწყემსს. მან ეროი კი ასწია მალლა კომბალი იმათ მოსაგვრებლად, მაგრამ მერმე წყნარად ძირს დაუშვა და მწარე ღიმილისაგან სახე დაედრიჯა, როდესაც ყაჩაღებმა სტაკეს ხელი მას და დაანარცხეს მიწაზე...

— უგნურებო! — უახრა მან, — ჩქარა მითხარით, რა გინდათ ჩემგან და წაიღეთ, რაც მადლია, ღვთის გულისთვის ნუ მტანჯავთ.

— ფული ჩქარა, შე ქოფაკო, — დაიღოიღეს მათ ბოროტად. — მოიტა ჩქარა შენი ოქროს ყელსაკიდი, იროდის ძაღლო! ჩქარა, თორემ გაგათავეთ ეს არის...

მით უეცოვსა, რაც ჩქარა იქნება.

*) იქნა დაილ იუნივ რუსეია № 1 1913 წ.

მიუვო მან და თვალბზე ხელი მიიფარა.

შეშინებული ფარა ერთად შეჯგუფდა და უყურობდა, თუ როგორ სწევდენ ყაჩაღები მათ პატრონს.

— სჩანს, მაწანწალა ძაღლია, ვილაკობერი, — სთქვა ერთმა ყაჩაღთაგანმა. — არა გააჩნია რა, რაც მას აბადია, მით ერთ ყლაბ ლეონოსაც ვერ ვიყიდით. მოდი, მოვკლათ და გადაუვდლოთ ყვაფ-ყორნებს საჯიჯგნელად?

— რისი გულისთვის უნდა დავაძლოთ წყვეული ყვაფ-ყორანი შავის ლეშით? — წარმოსთქვა მეორემ. — კისერი მაგასაც მოსტეხია!.. წაფარით თქვა და გავირეკოთ ფარა; დეე თავის დროზე ჩაძაღლდეს!

ერთი კარგა ლაზათიანად შეუყურებეს, ჩასწიხლეს ერთჯერ-ორჯერ და გაუდგენ გზას. მან თვალები გამოახილა, რამდენიმე ხანს კიდევ უძრავად ეგდო მიწაზე და ვარსკვლავებით მოჭყდილ ცას შეჭყურებდა. იმავე მწარე ლიმის დაეღმიჯა მისი სახე.

— გველივით არ შემომესიეთ! — სთქვა მან. მე კი ვფიქრობდი, რომ სასურველ დასასრულს თქვენგან მივიღებდი... მაგრამ ვერც ამას ვეღირსე უსასყიდლოთ, მუქათა... ყველაფერში ვასამრჯელო უნდა ვადაძხდეს...

— შორიდან ხან ხმა მაღალი და ხან ხმა დაბალი შეშინებული ფარის ხმა მოესმა, ისმოდა აგრეთვე ყაჩაღების ყიყინი. ისინი დარბოდენ ფარის გარშემო და სკდილობდენ მთას გადაღმა გადაერეკათ ცხვარი. მწყემსი ზეზე წამოდგა, იღლიაში თქვიდან სალამური გამოიღო, — უბრალო ლერწმისაგან გამოჭრილი. — და დაუკრა ზედ მოკლე მწყემსის სიმღერა, მოქვითინე, გულშემზარავი. იმ სიმღერაში, გვეგონებოდათ, არც თავია და არც ბოლოვო; ამ სიმღერიდან გამოდიოდა, თითქოს მწყემსი ვილაკას ვედრება რაღაცაზე, — თითქოს დიდი ხნის დაკარგულს ეძებსო.

დაუკრა თუ არა სალამური, თხა-ცხვარი შემოეკალა მისივე თავიანთ გამტაცებლებს და ფეხებულნი და ვაიფანტა იქით-აქეთ; ცხვრებმა შემოაღრბინეს მათ გარშემო ბილიკებიდან, ჩამაღდენ დაფნის ბუჩქებში და ვადაციკდენ

კლდეებზე... ყოველი კუთხიდან მიირბინეს თავიანთ პატრონთან; ის კი დრო და დრო გამოიღებდა პირიდან სალამურს, რომ თვითეულისთვის სახელი დაეცახა და მოაღერსებოდა.

როდესაც, დაბოლოს, ფარამ თავი მოიყარა, მწყემსი საჩქაროთ დაექანა ქვევით ხევი. საკენ და დაქანცული ფარაც უკან გამოედევნა.

ბილიკის ერთს მოსახვევში, რომელიც ხევში ჩაღიოდა, მწყემსს წამოეწია ერთი ჩამორჩენილი ცხვარი. მწყემსმა მალა აიხედა და დაინახა ცხვარი მთის წვერზე. დაფეთებული ცხოველი წინდაუხედავით ვადმოხტა კლდიდან და ბრაგვანი მოადინა უშველეებელ ხრამში, ბილიკს ქვემოთ.

— ჩერჩეტო! — სთქვა დამწუხრებულმა მწყემსმა. — ბუდას აღბად არ გაუწირვიხარ კიდევ შენ... რა?.. ბღავი და შემწეობას თხოულობ, ვერ დაახწიე თავი მახეს? სხვა რაღა დამრჩენია, უნდა ვადმოვხტე შენსკენ, შე ჩერჩეტო... მისთვის, რომ მე შენზე უფრო ჩერჩეტი და გამოყვეყებელი ვარ...

ფათერაკს აღარ მოერიდა მწყემსი და სწრაფად გადაეშვა ხევში. იქ ეგდო ფეხ-მოტეხილი, ვასისხლიანებული თიკანი. მწყემსს თქვა აღარ ჰქონდა; მოიხსნა თავზე ჩაბაღახი, გაშალა და შეახვია შიგ ათრთოლებული ცხოველი. შემდეგ ამობობდა ბილიკზე და საჩქაროთ წაასხა ქვემოთ ფარა, ვადარჩენილი კი თიკანი ატატებული მიჰყავდა.

ის ვაჩქარებული მიდიოდა და, ერთი შეხედვით, გვეგონებოდათ სრულიად არ ჰფიქრობდა იმაზე, თუ საითკენ მიდიოდა. შედგა თუ არა წისქვილის არხის ნაპირზე, ის შეჩერდა გზა-ჯვარადინზე და დიდ ხანს იტყირებოდა წინ ანგარიშ მიუცემლად. ვერ იფრჩია, რომელი კუთხისაკენ წასულიყო და ერთს აღვიღას ისე ვაშეშებულყო, თითქო მიჯატულიაო. მისი ვონების სასწორო თანამრად იდგა, რადგან არაფერი იყო მათზე. მას შეეძლო მოძრაობა, შეეძლო წასვლა, რადგან ძალა

ჯერ კიდევ არ გამოლეოდა, მაგრამ ვერ აერჩია, საითკენ წასულიყო.

მარცხნივ გზა ზემოთ მიდიოდა, დაბა ბეთლემისაკენ; ამ ქალაქში ერთად შეგვეფუთულიყვნენ ბანებიანი და ზღუდებიანი სახლები, ასე რომ აქედამ ქვეთკირის ორ გუმბათიანი ტაძრის ნაწილი აღარც კი სჩანდა. რაღაც ბნელად და უხერხოდ გამოიყურებოდა ეს ქალაქი, თითქო ვარ-ჩაქეტილი ცხე-კოშკიაო.

მარჯვნივ იყო მიხვეულ-მოხვეული ბილიკი მენამული ზღვის დასწვრივ... იმ ადგილიდან, სადაც მწყემსი იდგა. ორი-სამი ვერსის მანძილის მოშორებით, თეთრად მოსჩანდა ხევის გზა, რომელიც გადაკიბულ-გადმოკიბულად ზევით ცხვირ წაწვდენილ მთაზე აღიოდა. მთის წვერზე, თითქო წაჭრილიაო, გვირგვინით წამოდგმულიყო მარმალილოს სასახლე რგვალ-რგვალი კოშკებით შემოზღუდული და მათ გარშემო ცეცხლის აღს გაჰქონდა ბრიალი. დიდებული ცეცხლის აღი, რომელიც სრა-სასახლეში ენთო, თვალს იტყუებდა. თითქოს უდროვო დროს აღმოსავლეთი ალიონს ცეცხლისფრად შეუღებავსო.

ეს იყო მეფე იროდეს საყვარელი, მიუდგომელი თავშესაფარი; აი აქ იკლავდა იგი საიღუმლოდ ეინს და სიამოვნებას ეძლეოდა.

ამ სრა-სასახლეს იგი „პატარა სამოთხეს“ უწოდებდა. იგი შემოზღუდული იყო შადალი კედლებით. იქ იყო საუცხოვო ბაღები და ცივი წყალი რომელიც სოლომონის ჯურღმულებიდან შადრევანივით გადმოქუხდა.

იქ—ხენი ცნობადისა კეთილისა და ზოროტისა ერთი მხრიდან ისხამდენ სისხლივით წითელს ნაყოფს და მეორედან—თოვლივით თეთრს.

დამწურებულმა მწყემსმა იცოდა და აგონდებოდა ყოველივეს. სრა-სასახლის შეხედულება გარედამ სწავიდა მას. არც მარჯვნივ მიუხარია, არც მარცხნივ. ის უგზოდ პირდაპირ წავიდა, ბეთლემის პორცზე, რომელსაც თოვლის ზეწარა გადაფარებოდა...

დაუსრულებელს მარტოობას ვაფრინამისი გული და ამ გულზე მიტყრა დასახიხრებულ-

ლი თიკანი... უკვირდა მას თვისი უგზურება; რათ სცდილობდა ამ არავისთვის გამოსადგვი სიკოცხლის ნაპერწკალი არ ჩაეჭრო?...

იმ დროს, როდესაც ადამიანმა არ იცის და არც ზრუნავს იმაზე, თუ საითკენ მიდის, რადგან წინ-წინ აბიჯებს,—მაინც გზას ივლევს. ერთი საათის შემდეგ და, შესაძლოა მეტიც გავიდა, ამ ბორცვზე მწყემსი წაწყდა ცხვრის ფარებს, რომელიც ლურჯი ქვისაგან იყო აშენებული. ერთი კედლის კუთხისაკენ, როგორც მიღებულა, კოშკი იყო წამოდგმული. ფარები ცხვრებით გატენილი იყო და კოშკის კედლის ძირას ცეცხლი იყო გაჩაღებული, მის გარშემო ისხდა ოთხი მწყემსი შეხვეულნი სქელ ტყაპუტებში.

— მშვიდობა შენდა, — უთხრა მოსულს უნცროსმა მწყემსმა. — იკურთხოს შენი დედამა.

— გაიხარეთ გულით, — მიუვო დაღონებულმა მწყემსმა. — კურთხევამან მაძისამან დაამტკიცოს სახელი თქვენი უმეტესად, ვიდრე ჩემი. მე სახლ-კარი არ გამაჩნია...

— ის ადამიანი, რომელსაც არც კერა, არც თვისნი და ტომნი არ გააჩნია, ან მოყვასისაგანაა გაძარცული, ანუ ლეთისაგან დასჯილი, — წარმოსთქვა მოხუცმა მწყემსმა. — შენ სიტყვაზე გეტუბა გალილეველი ხარ. საითკენ მიემგზავრები და ან აქ რა გინდა?

— ჩემო ბატონო, მე არსად არ მივდივარ... მაგრამ გზად შემცივდა და ჩემი ფეხები თქვენი კერისაკენ წამოვიტრენ.

— გამოიწიე აქეთ და, თუ შენი ჩვენთან მოსვლა სამშვიდობოა, გაითბე ფეხები. სათაბო უბნია; რამდენმა კაცმაღ არ უნდა გაინაწილოს მაინც არა დააკლდება რა... შიიღე ჩვენგან პურ-მარილი თუ გესაქიროება.

ამ ნაირად ახლა ცეცხლთან ხუთი კაცი ისხდა მწუხარე მწყემსი ინაერებოდა თავის მთის პურით, თუმცა ზომიერად. ისე კი არა რომ სდომოდეს ჭამა, არამედ ნაჭიროების გამო. მასპინძლები კოტა ხანს უწოდენ, რადგან მართებულობა მოიხიზვდა კოტა ხნით სიბუქს. მერმე უფროსმა მწყემსმა წაიღიაბარაკა:

— სახელად მე მეწოდება სადოკი, ძე ელიოზარისა ბეთლემიდან. ამ ტაძრის ფარის მწვემსთა შორის მე უხუცესი ვარ. ესენი არიან ჩემი დისწულები: იათან, შამა და ნათანი... მამა მაგათი, ელჰანი გარდაიცვალა; ესენი რომ არ ყოფილიყვნენ, მე უშვილ-ძიროდ ვადავიდოდი...

— მე კი შქვია... სახელად ამიელი... მე ვარ ამიელი იოჰანის ძე, ქალაქ ბითსაიდიდან, რომელიც ვალილუის ტბის კიდებზეა... შამა არა მყავს...

— უშვილო კაცი სჯობია უმამოსა, — სიტყვა მოხუცმა სადოკმა. მაგრამ ღვთის ნებაც ასეთია, რომ მამას შვილის ხელით დაეყაროს მიწა... დიდი ხანია, რაც ცხონებული იოჰანი გარდაიცვალა?

— არ ვიცი, ცოცხალია, თუ მკვდარია. სამი წელიწადია, რაც ჩემს თვალებს მისი სახე არ უნახავს და ჩემს ყურებს ხმა მისი არ სმენიათ.

მაშასადამე შენ განტყვებული ყოფილხარ? განგიტყვეა განა მან სახლიდან?

— არა... ეს სხეანაირად მოხდა, — მიუგო ამიელმა და თვალები ძირს დააშტერა.

— ესეც შესაძლებელია, როგორ არა, შესაძლებელია... ჩაფიქრებით დაეთანხმა მოჭუცი სადოკი. — მოძღვარნი ჩვენნი ამბობენ: არის ჩვენი წინაპრების ჩვეულება ისეთივე შეუოყრველი, როგორიც თვით რჯულია: ადამიანს შეუძლია უარჰყოს მამა შეუკოდებელიც. ვარყვის მამას: „კობან! მე უფალს შეუდგეო!“ და მამას მანვე არავითარი უფლება არ აქვს, შეილიც მამას აღარ ემორჩილება. სჩანს, შენ მამა, შენს უთხარი: „კობან“, ამიელ-ბენ იოჰანის ძევე? სჩანს, ღმერთს შეუდგეო?

დიან, მე ვსთქვი: „კობან“ — მიუგო ამიელმა, თავი მაღლა ასწია, სახე ისეთივე რადოკ ნაპრის სევდიანი ღიმილისაგან დაღმეკოდა. ესთქვი: „კობან“, მაგრამ ჩემი აღთქმა ღმერთს არ მშენია.

მეშ გვიჩნებ, რისი მაქნისრ ხარ? ჩაილაპარაკა სასტიკად სადოკმა. — არცა განკიც-

ხეა, არცა თავ-შესაფარის მიცემა ჩვენ არ ძალგვიძს, სანამ შენს თავგადასავალს არ გავიცვებთ.

— ამოა ამოათა, კოველივე ამოა არს. სახელი მისი არარაობა... რაღა გასაგონებელია... მაგრამ რადგანაც მოვისურვებიათ მოსმენა, ისმინეთ. მერმე, როგორც ვსურდეთ, ისე მომეცეით, — უსულ-გულათ სიტყვა ამიელმა.

კობე გჳელი.
(შემდეგი იქნება)

ერთი კვირე ჯრუჭის მონასტერში.

1910 წელში მე და ქუთაისის თლქის სამსაჯულოს საბჭერის სესიას უთანხმოება შეგვიდგა ერთ დიდ საქმეზე, რომელიც სარწმუნოებას შეეხებოდა. მეჭვლითი სიტყვით შეურასხყოფის მიყენებისათვის ხსენებულ სამსაჯულოსადმი, თფილისის პალატამ ერთი კვირე მონასტერი მომისაჯა და, ეს სასჯელი ჯრუჭის მონასტერში მოვიხადე გასულ თებერვლის თვეში. მაგრამ უკეთესი მოგეს ღმერთმა, მკითხველო, რას მე იქ ვნახე და მოვისმინე!

რატის ერისთვის კახაბერის რატის მიერ დაარსებული მონასტერი და მერე დავით მიტროპოლიტის მიერ გამშენებული (წერეთლის), რომლის ერთ-ერთ კვლეს მიაწერა: „მონასტერი ქალაქ ცყავო“, დღეს ძველი ჯრუჭის ახრდილს არ წარმოადგენს.

ეს დიდებული ძველი ქრისტიანული ნაშთი, სადას აღიზარდენ განსვენებულნი: მიტროპოლიტი დავით, მთელი შორაჰნის მახრის ბლაღოჩინი ოქროპირ, ითხვისის დეკანოზი დავით-წერეთლები; და იმეოვთის ეპისკოპოსი-ექვთიმე და არქიმანდრიტები სიმონ, და ნიკოლოზ წულუკიძეები და სხვანი მრავალნი გამოჩენილნი მწიგნობარნი და მელობებანი, დღეს უფიქთა და მსონარეთა ბუნგათ გადაქცეულა. იქ, სადას ანგელოზებრივი, ტბილზმოვანი ღაღადისი გალომაკარანით გაისმოდა, დღეს ერთი მოჩილის უფიქთა გალომა უხერავს გრძობა-სმენას კასს, არც მღვდელ-მონაზვნებში და არც სხვა დაბალ კრებულში, თორით დღეს ვარდა, არ მოიძენებნა ისეთი პიბი, რომ ხეობანათ დავითნი წაიკიოხოს, მივლს ზემო იმეოვთ და რატში რას კარგი მწიგნობარნი და მელობებანი იყ-

ენენ ძველათ, ჯრუჭში მიიღეს სწავლა-განათლება. მიკელ ზეპოიძე (კიკინაძე), რომელის ურეკლე შეფემ მთელ თფილისათ დააფასა, თურმე აქ მიიღო სწავლა-განათლება. მაგრამ კმაა ამაზე.

1860 წელში ჯრუჭს ყავდა 60-ზე მეტი ფაშატი სხენი, ამოდენა ხარი და ძროხა და წვიოლ ფენს თურმე ხომ ანგარიში არ ქონდა. 500 მეტი გლეხი ყავდა. ქონდა მთა და ბარი და სხვადასხვა ხიმდიდრე. მაგრამ დღეს მეთოდის აღარათფერი აქვს, გლეხები მთა და სხვა დიდ მალი სახნავ-სათესი თავადმა წერეთლებმა ჩამოართვეს, ხოლო სხვადასხვა ხიმდიდრე ყოფილმა წინამძღვრებმა გაანადგურეს სისტემატიურათ. დავით მიტროპოლიტის შემდეგ წინამძღვრები და მღვდელ-მონაზვნები აქ მიტომ კი არ მოდიოდნენ, რომ მონასტერი შეემკათ, არამედ მეტს გამორჩენადენ მას და თავისი ნათესავები გაემდარუბით; ერთ წინამძღვარს 8000 მანეთი დარჩენდა სიკვდილის შემდეგ.

შეიძლება თუ არა ამ მონასტრის ხელ-ახლად აღდგენა?

ადვილათ და აი როგორ: მონასტრის აქვს კიდევ კარგა მოზრდილი მთა, ტყე, მიწდორი და სახნავი ადგილი. 4000 მანეთამდი თულათ შემოსავალი ყოველწლიურათ, წისქვილი და სხვა. ენფრგიით, პატროსნეებით, ღრმა სარწმუნოებით, სასოებით და სოდნით აღჭურვილ წინამძღვარს შეუძლია ჯრუჭი პირველ ხარისხოვან მონასტრათ გადააქციოს ყოველის მხრით. რომ მონასტრის შემოსავალს კრგათ გაუძღვეს კასი, ათი წლის შემდეგ ეს მონასტერი ძველ დიდებას მოიხვეჭს, როგორც ნიეთიურათ. ისე ზნეობა-გაზნებით. მაგრამ ჩვენ, ქართველებს გვაქვს ამის უნარი? აქ ისეთი ნიადაგია, რომ რა არ იფარგებს: ვენახი, ზეთის ხილის ტყე, სხვადასხვა ბაღეფლობა და ფუტკარი. სხვაგან მის მიდამოებში, რომ თოვლი ქვეს აქ ნიადაგ ზომიერი ძაერიხა. ჩვენ ყოველთვის სიხარმასე, უსოფინარობა და დაუფერობა გვიმლის ხელს.

თვისი ბერები უდაბურ ტყეში ისეთ მონასტრებს აარსებენ სხვადასხვა ადგილზე. რომ მათი ნახეით განსვიდრდება კასი და ჩვენ რა დმერით გვიწყობა?

დღეს მონასტრის ბერებსა და ახალ წინამძღვარს შორის დიდი უთანხმებება და შფოთია. რით დამოლოცდება, დნერთობა უწყობს სამწუხაროდ ჩემდა, ჩემს იქ ყოფნაში მამა წინამძღვარი არ იმყოფებოდა მონასტერში, თორემ უთანხმოების მიზეზს შევიტყობდი და ჩემ ასრს გამოვსთქვამდი. დწიოთმა ქმნას მათ შორის შშვილობის ანგელოზს სამაყვლოთს ადგილობრივი საზოგადოებამ ამ უთანხმოათ დიდათ გულ-ნარტყნია.

ჩემი მისეღის წინ სტუდენტი ინგოროყვა ყოფილიყო მონასტერში. რომელსას ერთ კვირზე მეტი უმეშენა და მრავალი მონასტრის სიძველე და წარწერანი გამოკვლია. ძაგბამ, როგორც მითხრეს მონასტრის ბერებმა, მას ეყო წაუეითხავს ორი წარწერა: ერთი დასავლეთის კარებთან, შეიარყ ტრაპეზის ხელსაბან ქვეშ, რაისა ყველა წარწერებზე უფრო დიდ მნიშვნელოვანია*).

დეკანოზი ი. წერეთელი.

ისტორიული ნაშთები გურიაში.

ჩენი ისტორიული ნაშთები, ვინ არ იცის, მრავლათ მოიპოვებიან აქა-იქ შივარდნილ მთატყეებში, რომლისათვისაც დღემდე უურადღეება არაეის მიუქცევი. ერთი ასეთი ნაეკლესია რი აღმოჩნდა ჩოლოქის მიდამოში ს. თედორეთში (გურიაში). როგორც დღესაც მოწმობს მრავალი დიდი და ძვირფასი ქვეები ნანგრეეებისა, ერთ დღეს კარგათ მოზრდილი და მდიდარი ეკლესია ყოფილა აქ გარშემო კააწია სოფლებით. აგრეთვე არის ზეპირგადმოკვებები, რომ აქ სვენებულა წმიდა თედორე და წმიდა გიორგის ხატები, რომლებთა სიძლიერეზე დღესაც მრავალი ამებნია დარჩენილი ხალხში. ამ ეამთა ვითარებისაგან მივიწყებულ და გავერა-ნებულ ადგილს ამ კამეტი წლის წინათ შეხიზენია სიზმრის შთაგანებით (როგორც ის ამბობს) სიყრმიდგანვე ბერი, წოდებული სიმონ ინწკირველათ, რომელსაც ხაზინის წარმომადგენელის ნებით (რომლის ხელში მამინ ეს მიწები იყო) თავის საკუთარი ხელით ვაუკაფავს ეს უღრანი ტყე და ბარდ-ეკალი, მოულობავს ფაცხა და დაუწყია ხაკუთარი შრომით უმწიკლო ცხოვრება, რომელიც ყოველ დარიან დღეში გულმოდგინეთ ლოცულობს ძველი ნაშთის ტრაპეზის წინაშე, ხოლო აედარში კი თავის ფაცხაში, სადაც ხანდახან სხვა მართლმორწმუნეებიც ესწრებიან ლოცვაზე. მაგრამ სამწუხაროდ რაოდენიმე წელია, რაც ეს მიწები შოიგო ითუადმა ნეტორ ნაკაშიძემ,

*) კარგი იქნება მ. დეკანოზი გაამოკვინდეს ამ წარწერების შინაის ამინ. ხატ-კამოსისხადებლად, სადახანას ახალეთა მკვლევარი შეიკყას მისი მიწეფლობან.

რომლის შემკვიდრები ყოველ ღონეს ღონობენ ვადადენონ ხსენებული ბერი ამ ადგილიდან და თვისი ამდენის ხნის ნაშრომი დაატოვებინ. ეს თუ არა, მოსალოდნელი იყო ამ ადგილზე, როგორც ეკლესია, თვით სოფელიც ვაშენებულყო, სადაც რაოდენიმე მეგრელები და სხვებიც ჩასახლდნ. აქ საუკეთესო სამოსახლო ადგილებიც შოიბოება, როგორც მშვენიერი წყლითა და ჰაერით, აგრეთვე მდებარეობითა და ბუნების სიუხვით. და რომ აქ ყოველ სამეურნეო წარმოებას შეიგუებს ნიადაგი, ეს თვით ხსენებულმა ბერმა უკვე დაამტკიცა. დროა ასეთ ადგილებს მიექცეს ჯეროვანი ყურადღება, როგორც საზოგადოებისაგან, უმეტეს სასულიერო მთავრობისაგან და ისტორიის მკვლევარებისაგანაც.

33.

მოწერილი ამბები.

სადგური ძირულა. ამა წლის 23 იანვარი სახსოვრათ დარჩება ძირულაში მოვაკრეთა და მის ახლომახლო მდებარე სოფლების მსხოვრებთათვის. ამ დღეს დანიშნული იყო ადგილობრივი ორკლასიანი სამრეწლო სკოლის შენობის კურთხევა. შენობა ხის არის და შესდგება ორი ფრესკული საკლასო ხალისა და ოთხი ოთახისაგან მასწავლებლებისათვის. ის აუშენებია იმავე სკოლის მზრუნველს მეთაღე ვ. ქათამაძეს. სომხსწავლო მთავრობას ბ. ქათამაძისთვის ამ შენობისთვის დაუბმარებია სკოლის შველი შენობა და მიუძია ადრევე ფულათ 600 მან., ხოლო კურთხევის დღეს ადგილობრივი საშუალებებიდან მიიღო 300 მ. და 700 მანეთის ამ წლის 1 ეკენისთვისთვის უნდა მიიღოს. ძველი შენობა რომ 400 მანეთად შინს ვინგარიშოთ, ბ. ქათამაძეს შენობის ფასად 2000 მანეთი მოუღოს. შენობა მოსაწონია და კიდევას შეეფერება თვის დანიშნულებას. წინადღითვე მობრძანდნ საგარეო მეთაღეურე ბ. ნი ვ. რ. ავერკოვი და სამასრო მღ. მ. ნაკონ გველესიანი, ხოლო 23 იანვარს, დილის 5 საათზე, თბილისიდან ჩამობრძანდა საქსახსოსოს სკოლების მეთაღეურე დგ. მ. კაშვევი. მ. დეკანოზმა სასაშროვნო ამბავი ჩამოიტანა თბილისიდან და იქვე მისაღებების შემდეგ მოვეხარე ყველას, რომ იმისა და

ბ. ავერკოვის მოხსენებამ გასჭრა და სინოდმა დეკრეტით ასწომა საქსახსოსოს სკოლების უჯამაროგო და შპი. რეჯამაგირიან (360 მ. ნაკლები) მასწავლებლების წასულ 1912 წელში დასაკმაყოფილებლათ 14000 მანეთის გადადება, რომელი ფულიც მოკლე დროში მიუძებათ მასწავლებლებს.

დილის 11 საათზე მეთაღეურეები და სხვ. მიპატივებული სტუმრები შეიკრიბნ სკოლის დარბაზში, სადაც ადგილობრივმა ბლად. მღ. მ. სუნიაშვილმა აკურთხა ახალი სკოლის შენობა. მ. დეკანოზმა გრძნობით სავსე სიტყვით მიმართა საზოგადოებას და განუმარტა დიდი მნიშვნელობა საზოგადოთ სკოლისა და კრძოთ საეკლესიო სკოლისა. სკოლის შენობის კურთხევის შემდეგ ბ. და მ. მეთაღეურეები და ოსამდი სხვა საპატიო პირი სადილათ. მიპატივა სკოლის მზრუნველმა ბ. ქათამაძემ. სადილზე ბერი სიტყვაითქვა. საღამოს 4 1/2 საათზე მ. ოღქის მეთაღეურე თბილისში დაბრუნდა და ბ. ნი ავერკოვი კი ქ. ქუთაისში.

დამწერ.

სოფ. გეთსამანია (პორ. მარ.) გეთსამანიის ღეთის მშობლის ეკლესია მდებარეობს ზემო იმერეთში სამხრეთ აღმოსავლეთისკენ, სურამის მთის ძირის მახლობლად, რომელიც ყოფს ამერეთ იმერეთს და სავარლათ დაჭყურებს ეკლესიას—თვით ეკლესია და ის სოფელიც, სადაც ეს ეკლესია მდებარეობს, გეთსამანიად იწოდება. აქ, ამ სოფელში მსხოვრები 70 კომლამდის ირისხება. მსხოვრებნი ამა სოფლისა საშინლო სათნო, ღეთის მოყვარე და მლოსველია; სადაც დღეშიც რომ სწიროს მღვდელმა, ეკლესია მლოსველებით აივება. ტაძარი აგებულია მაღალ გორაკზე, რომელიც თითქმის მთელ სოფელს დაჭყურებს. ეკლესია წარმოადგენს უძველეს დროის ნაშთს. როგორც გადმოსქმით ამბობენ, იგი თამარ მეფის დროს აგებული ყოფილა, გარშემო ამ ეკლესიას ვალაყანზე დასველითი ქვის შენობები ქონია (სახლების), იმ დროის მონასტერი ყოფილა, შიგ მარანიც ყოფილა გაკეთებული. დღესაც არის ამაში ტურები. ტაძარს ორივეზე სამწიროლოები ქონია, რომლის ნიშანი მისი ეკლესიის მალაქის ნაშთი. თითონ ტაძარი დიდი არ არის, იგი იკმნება საგრძობთ 16 არშინი. შენით ამ ტაძარს ეკლესია ყოფილა მხატვრებით შექმული. შენობა მტლისაგან განადგურებისა და დაწვისა მხატვრობა წარუძალი.

დღესაც არის ერთი მხატვრობა საკუთრებელში ფანჯრის გვერდზე. შემდეგ ხალხს ეს ტახტი განუაზღვრება და დღეს შიგ წირვა ღოსა სრულდება. ამ ტახტში ღვთის მშობლის ძველი შესანიშნავი ხატია. იგი იქნება სიმაღლით და სივანით ნახევარ არწივზე მჭერი. ხატი არის ძვირფასი ხელოვნების. წინიდან არის სულ ოქრო, მორთულია ძვირფასი თვლებით, რისხვით თექვსმეტი, ზურგიდან ვერსხლით არის მოჭედილი. აქვს ასომთავრული წარწერა. ბოდიშს ეობთ მკითხველთან. მიწიდანა ძალიან გულით წამუკითხა, მაგრამ გარკვევით ვერ ამოვიკითხე. თუ რა დროს და ვისგან არის ეს ხატი აქ მოტანილი. თუმცა შიგა და შიგ ამოვიკანი სიტყვები, მაგრამ არ ვსწერ მისთვის რომ ჩემი განკიცხვა იქმნება მკითხველის წინაშე. მხოლოდ ერთი სიტყვა ამოვიკითხე ყველაზე უფრო გარკვევით აი ეს: „შე ღაღანიძემ“. იმედია ამ ჩემს უმეცრებაზე განათლებული საზღვრელობა არ განმკიცხავს. სხვა წარწერა ამ ეკლესიას არა აქვს. ამ ტახტის გვერდზე საზრეთით ყოფილა აკადამია რომელზედაც არის დიდი ქვა დადებული. იმედია, ვინმე სიძველის მოყვარული დასჯება და ნახავს ჩვენ მივარდნილ კუთხეს; სწორედ ამ წამებს ვლას ჩვენი ღვთის მშობლის ხატის წარწერას.

მღ. იოანე ციციშვილი.

სოფ. დურევი. (შორაპნის მაზრა) სოფელი დურევი მდებარეობს დაბა საჩხერის მახლობლად; სხვა სოფლებთან შედარებით ხსენებული სოფელი ძალიან ღარიბი და მიყრუებულია. თუ რომელიმე სოფელს კი ეჭირვება შკოლა. მით უმეტეს ამ სოფელს, მაგრამ დღემდის მას გულ-შემატკივარი არაფერ აღმოჩენია. დღეს კი, მღვდლის ნესტორ დევიძის ენერგიული შრომით და ადგილობრივი მღ. ზაქარია აბაშიძის დახმარებით, სოფ. დურევი აღწილი ღამბარი სხორებისა. 1912 წელს 24 ნოემბერს მღ. ნესტორ დევიძემ მიმართა დურეველებს სიტყვით. რომელშიდაც სადაც დაუხატა დღევანდელი მათი უნუგუშო მდგომარეობა და აგრეთვე მნიშვნელობა სწავლისა. ხალხმა აღტაცებით მიიღო მღ. ნესტორ დევიძის წინადადება და კიდევ დაატანა განახლები სამოყვლო შკოლის გახსნაზე. ხსენებული განახლები მთავრობამ დაამტკიცა და ამა 1913 წლის 10 იანვრიდან დაიწყო სწავლა დურევის შკოლაში. მოწყვეთა რომელი ობობის და ხელით, იმედო

გვაქვს მსწავლებელი გრიგოლ წერეთელი, იოვანოვს შეგნებული კასი. რიგობად მოაწყობს საქმეს და დურეველებს იმედს არ გაუპოვებს. დაბოლოს დიდს მადლობას ვუხადებთ მღ. ნესტორ დევიძეს, რომელის ყველასთვის გულწრფელად და მამაშვილურად იღუწის.

ილარიონ ხარშილაძე.

სოფელ კობოულში (შორაპ. მაზრა) გაიბნა წიგნთსამყარო-სამკითხველო დიდებული მამულიშვილის და სახელოვანი ბედაგოგის ი. ს. ვოგებაშვილის სახელობაზე. ვინაიდან ხსენებული სამკითხველო ამ წინადადების განხორციელებას დიდს ნაკულევენებას, ამისთვის ხსენებული სამკითხველოს გამგეობა, მოიჩილად მიმართავს პართველთა ხალხის შეგნებულ ნაწილს; სტამბების და წიგნის მალაზების შეკონფერებას; მემატრონებს და წიგნების გამოშპებულ ამხანაგობებს, რომ ხსენებულ სამკითხველოს აღმოუჩინოს ნივთიერი დახმარება; ფულოს, ავეჯტულობის და წიგნების შემოწირვით, რასაც გამგეობა დიდს მადლობით მიიღებს და გაზეთის საშუალებით საჯაროთ გამოაცხადებს.

შემოწირულების გამოგზავნა შეიძლება შემდეგი მისამართით: **Въ Сархери дѣя Корбоульскѣи имени Гогобашвили библиотеки свѣщ. Владимиру Магарашвили.**

გამგეობის წევრი მღ. ვლ. მაკარაშვილი.

ს. ჩხარი

არც ერთს დაწესებულებას, არც ერთს მოსამსახურეს იმდენი უფროსი და პატრონ-პატრონი არა ჰყავს, რამდენიც სამრევლო შკოლებს და მათ მსწავლებლებს. მიუხედავად ამისა ძალიან სიტუა მათში იმისთანა პირობები, რომელთაც ეჭიქრებათ შკოლებისა და მსწავლებლების უმწეო მდგომარეობა და სდილობენ მათ წარმატებაზე. უზოუნველობა უმეტეს ნაწილით შკოლების მახლობელ მთავრობას ემჩნევა. ეს უკანასკნელი ახლაც კი, როდესაც სოფლები იფინება სამინისტრო შკოლებით, რომლებიც კონკურენციას უწევენ სამოყვლო შკოლებს და რომელთა გახსნის შემდეგ არა ერთი და ორი სამრევლო შკოლა იხურება, ახლაც არ სდილობს რაიმე სიმების მიღებას მათდამი რწმუნებულ შკოლების გასაუკლებელად და მით თავიანთ შერეულ ავტორიტეტის აღსადგენათ, პირობით, ისეთ უზოუნველობის მორევენი ტოილეს, რომ თუ

დროზე არ გამოდებოდა და შერი ენერჯით არ შეეცა- და შკოლებს გაუზღობდებინს საქმეს, სრულ მოსობის კიდობი მიიყვანს მათ.

ბევრ სამრევლო შკოლის მასწავლებელს მიაქვს დღეს თხოვნა საბაღო შკოლების დირექციაში სამი- ნაიტრო უწყების შკოლებში მასწავლებლობის აღდი- ლის სათხოვნათ. შიგები ამ ლტოლვისა ის უფარ- ვისი პირობებია, რომლებშია ჩაყენებულია დღევან- დელი სამრევლო შკოლა. ხშირათ შეხედებით სოფლე- ბში ნახევრათ მშვიტ-ტიტველ მასწავლებლებს, რომელ- თაძ ყოველგვარ ჰიგიენურ მოთხოვნებიათა გარეშე მდგომ შერობაში მოუთავსებიათ შკოლა და დიდის ვაი-ვაგლაბით ამესადინებენ ბავშვებს. ვაი-ვაგლაბით- თქო, ვაძობთ იმითამ, რომ შეუფერებელ პირობებში მოღვაწეობა უკარგავს მათ შრომის უნარს, უკვლავს ენერჯიას და ძალდატანებითს ელფერს აძლევს მათ მოქმედებას. ჯამაგირის არ ახარებს ბევრს ამ სხვათა მასწავლებელთ და თავიანთ თავის მასწავლებელთა. ზოგს უსასყიდლოთ იმსახურებენ, ზოგს ას ოპ მანეთს აძლე- ვენ წლიურათ, ზოგს ას ოთხმოპ მანეთს, ზოგს ორას ორმოპ მანეთს, ხოლო შიგა და შიგ თუ ურეგია ომი- სთანების, რომელთათვის საშას სამოსი მანეთი უბო- ძნიათ; მაგრამ არპ ისინი არიან მოსვენებული, რადგან ყოველ დღე მოვლიან ნაბაძები ჯამაგირის „გამობაძებას.“ ამ ნაირ პირობებში მყოფი მასწავლე- ბელი, რასაკირველია, ყოველთვის შხათ იქნება პირველ შემთხვევაშივე მიატოვოს სამრევლო შკოლა და სხვა უწყების სამსახურს მოაკიდოს ხელი, სადაპ ჯამაგირს შინს, სოტა იქნება თუ ბერი, მიიღებს თავ-თავის დროზე და არპ ნამსახური დრო დაეკარგვის უსასყი- დლოთ ისე, როგორპ ეს ბევრ სამრევლო შკოლების მასწავლებლებს მოსულით.

ამ მოვლენას სამრევლო შკოლების მთავრობა გულ-ჭრილად არ უნდა უყუბებდეს, თუ მას სურს თავისი პატიოსნა დაეკავოს და სხვას არ დაუთმოს. სხვა მხრიუწველობასთან ერთად კარგ მასწავლებლების შეძე- ნა-შეინახუნებაზედაპ უნდა ფიქრობდეს. მაგრამ ში- ნაღმდევ ამ საბაღო ტრეშარიტებისა თვითონ ისტუმ- რებს თავიანთ უწყებოგვან ბევრ კარგ მასწავლებელს, მათ რომხუც სხობილი აღდექა იქმნეს თუ გიოოგადეს ვაძება, რადგან, როგორპ ხშია გავრსელებული, სა- მსახურელ მასყიდლოს მოსობრბას უპიობენ, რის შემდეგ- გაპ ის სხვათაზედა გახდეს სამრევლო შკოლებში

სამსახურს თავი მოინებოს. აგერ სამეტი წელიწადია, რას ეს პატიოსანი შეშაკი ბეწენ შკოლებსა და შკო- ლებს გარეთ წმინდა ქართულ გალობას, აარსებს ცალ- სიებზე შგალობელთა გუნდებს და ატკბობს მშვენიერი საგალობლებით მოღსველთა სმენას. სულ სოტა რომ ვსთქვათ, თხუთმეტ ველესიაზე მიიპ არის დღეს მისი გაწყობილი ხარო. უფრო მეტის ენერჯით მუშაობდა და მუშაობას დღესაპ ბ. ალექსი შკოლებში, რასაპ თვით მთავრობაპ ხედავდა და აფასებდა კოოპს. თუ რამდენათ ნაყოფიერი იყო მისი შკოლებში მუშაობა, განსაკუთრებით აღისუბნის სამასწავლებლო შკოლაში, სადაპ ის სამეტი წელიწადო მსახურობდა, ამას მოწმობს სოღნა მისი ნამოწაფარი მასწავლებლებსა, რომლე- ბიპ დამახინჯებულ ქართულ-ევროპიულ სიმღერების მაგიერ ავრსელებენ პირველ დაწყებით შკოლებში წმი- და ქართულ საგვლესიო გალობას. დღეს საზოგადოე- ბა მეტი სიმპატიით ეყურობა იმ შკოლებს, სადაპ გა- ლობა კარგადაა დაყენებული და ამიტომ აღექსი გი- ორგადის სამრევლო შკოლებიდან გაძვეება დიდ ხიანს მიყუენებს მათ. მაგრამ, ესთქვათ, შკოლებსაპ რომ არაფერი იქნეს მისი გაძვეებით, აქვს კი მოთავრობას ზნეობრივათ ამის უფლება? სამეტი წელიწადია, რას კაპი მსახურობს, დღესაპ თითქმის ნახევარი წელიწადი უსასყიდლოთ ასწავლის ორ შკოლაში ხუთი-ექსი ვერ- სის მანძილზე და მისი ახლას უყურადღებოთ მიტო- ვება უსამართლობა იქნება.

ჩხარელი.

წერილი რედაქციის მიმართ!

მამაო რედაქტორო!

გახეთ „შინაური საქმეების“ 37 ნომერში მოთავსებულია წერილი ლაი- ლაშის საბლალოჩინოს მღვდელთაგანისა, რომელშიაპ იგი სხვა „მარგალიტებთან“ ერთად შემდევსა სწეროს: „ლეჩხუმში მა- შინ დასაჯა ომერთმან, როდესაპ სვანის (სვანის ხსენება მ. ბ. ვულბანს არ ეხება), რაქველებს და იმერელის ხელში ჩა- ვარდენ“.

ამ წერილში, რომელშიაპ ავტოროი სრულს უეცოპას იჩენს ქართული ენის კოღნაში, მეც ეიხსეხიები, ვინაიღვან ლეჩხუმში, გულბანს გარდა, სვანთა-

განი მხოლოდ მე ვარ, თქვენი მორჩილი მოსამსახურე.

ყველა მიხედება, რომ ზემორე ხსენებული სიტყვები გაყენებულია სიძულვილით ლეჩხუმელისა სვანთა, რაჭველთა (?) და იმერელთადმი (მეტადრე სვანთადმი).

არ მოველოდით, თუ ერთს მაზრაში მცხოვრებთ ერთი და იგივე ტომის ხალხთ, სუბლეჩხუმელთ ერთმანეთისაგან განათიშებდნენ და სვანს ლეჩხუმში სამსახური დანაშაულობად ჩაეთვლებოდა! მამა მოძღვრის აზრით „ლეჩხუმი მხოლოდ ლეჩხუმისთვის“ ყოფილა! მე მგონია, სვანს იმდენივე უფლება აქვს იცხოვროს და იმსახუროს ლეჩხუმში, რამდენიც ლეჩხუმელს - სვანეთში და ორივეს იმერეთში და სხვაგან საქართველოში. მახურიდგან დამოკიდებული ცაგვრამდე ცხენის წყლის ორივე მხარეს მდებარე სოფლები წინეთ სვანებით იყო დასახლებული.

სოფლების სახელები: ცაგერი, ჩხუტელი, ლარჩვალი, ჩვალბეჩი, ლუხვანი, შყერო, მახატრა - სულ სვანური სახელებია. ამ სოფლებში მცხოვრებნი გვარნი სვანური გვარებია: ლიპარტელიანი, დევდარიანი, მუშკუდიანი, კობალიანი, ბენდელიანი, გასვიანი და სხვანი.

ტყუილია, ვითომც „ლეჩხუმი მაშინ დასაჯა იმერთმა, როდესაც სვანის, რაჭველის და იმერლის ხელში ჩაეარდა“ (და არა ჩაეარდენ, როგორც ავტორი სწერს).

ლეჩხუმში ამ 20-30 წლის განმავლობაში მსახურებდნენ და მსახურებენ: ბლალოჩინნი მღვდელნი ილარიონ და ალექსანდრე გერსამიები (იმერლები), მღვდელი სიმონ ქედლიანი (სვანი), დეკანოზი გულბანი, მ. ი. მუსერიძე (რაჭველი), მ. ბოჭორიშვილი (რაჭველი), ვ. გაბიანი (სვანი) და მე. მამა ილარიონ გერსამია ერთი პატროსან, მარჯვე და ნიკიერ

ბლალოჩინთაგანი იყო ყოველდამღვდელო გაბრიელის დროს, აგრეთვე იყო მისი შვილი ალექსანდრე გერსამია, რომელმაც იმსახურა ლეჩხუმში 12 წლამდე. მ. კ. გაბიანი პატროსანი და უწყინარი მღვდელთაგანია. მღვდელს ბოჭორიშვილს მე ვცნობ, როგორც მარჯვე მღვდელს. მღვდელი სიმონ ქედლიანი (სვანი, ეხლა გარდაცვალებული) თუმცა სწავლა - განათლებას მოკლებული იყო, მაგრამ იმდენი სიყვარული დაიმსახურა, რომელსაც, თქვენ, მამაო, ვეკვობ, ელირსოთ.

მაშ ვილა დარჩა ჩემს მეტი! ეხლა შეგეკითხები, მამაო მოკეთე, რა დაუშავე მე ლეჩხუმს საზოგადოთ და ჩემს ეკლესიას კერძოთ! გთხოვ დამისახელო ერთი რამ ფაქტი მაინც, რომლითაც მე ჩირქი მეცხებოდეს და ლეჩხუმის წინაშე პირ-შავად მაჩენდეს! მანამდისინ-კი მუქაფად მიიღეთ ჩემგან სახელი ცილისმწამებელისა!

მამა ავტორი განაგრძობს: „უწინდელს დროებაში ვიდრე აქამომდე ცაგერის ეკლესია სამიტროპოლიტო სამღვდელმთავრო სობორო და მონასტერი იყო და იქიდგან სამღვდელოება და ერიც ლებულობდნენ მადლსა და კუროთხევას, ეხლა სამწუხაროთ სულ სხვა სურათსა ვხედავთ“. ჯერ ერთი, მამაო, რომ ჩემდამო რწმუნებული ტაძარი სრულიადაც არ ყოფილა „აქამომდე“, როგორც თქვენ ამბობთ, მონასტრად და სობოროთ; არამედ მონასტრისა და სობოროს სახელი და მთელი მამული ჩამოერთვა მას 1881 წელში, ხოლო 1912 წელში დაუბრუნდა „სობორობა“ ჩემი მეცადინეობით; მეორე, თუ იქიდგან წინეთაც კი ლებულობდნენ ყველანი მადლსა და კუროთხევას, დღეს რა-ლა სამწუხარო სურათსა ხედავთ? რატომ არ დამისახელებთ იმ სამწუხარო სურათს? სამწუხარო მოვლენად მიგანჩიით იქნება.

რომ ცაგერის სობოროს მშვენიერი ეზო-ვალაყანი გაუკეთდა 1906-1907 წ.წ. ჩემი მეცადინეობით, რომლის ბადალი რაქა ლეჩხუმში არ მოიძებნება, როდესაც იგი სობორო წინეთ დიდათ შევიწროებული იყო!*) სამწუხარო მოვლენაა განა ის, რომ იმავე სობოროს 1910 წელში ჩემი მეცადინეობითა და ცოტაოდენი წვლილის გაღებით გაუკეთდა მშვენიერი ახალი კანკელი მხატვრობით! ნუ თუ ესეც სამწუხარო მოვლენაა, რომ იმავე ეკლესიას 1912 წელში ახალი რკინის საუკეთესო სამრეკლო გაუკეთდა?!

არა, მამაო, მტკიცე რწმენით გეტყვი, რომ თქვენ ჩემდამო რწმუნებული სობოროს ცუდი მდგომარეობა დიდათ და დიდათ გაგახარებთ და სიკეთე-კი შეგაწუხებთ, როგორც ეხლა გაწუხებთ, და ეს მხოლოდ იმისათვის, რომ ცაგერის სობორო სიკეთეში მივიყვანე (შევმატე სიკეთე) მე სვანმა და ავტორად წერილისა, რომელსაც თქვენ ასე გაუპილობილებიხართ, მე მრაცხავთ, როგორც ეს თქვენი წერილიდგანა სჩანს.

მაგრამ იმწუხარე, იმოშურნე, ვინაიდან ჩემდამო რწმუნებული ეკლესიის საქმე ძლიერ კარგათ მიმყავს. იქიდან ძველებურზე არა ნაკლებს სულიერს საზრდოს პოულობს მრევლი ცხოველი სიტყვის გაგონებით და მადლის მიღებით. ვერც ერთს ლეჩხუმის ეკლესიაში ვერ ნახავთ, მამაო, იმდენს მლოცველებს, როგორც ცაგერის სობოროში! მე ხუ დამიჯერებთ და ჰკითხეთ თვით ხალხსა და ღვთის მოშიშს მაზრის უფროსს ბენკელს, რომელიც არც ერთს წიოვას არ დაკლებია და ჩემს სიმართლეს დაამოწმებს!

მაგრამ რასვაშობ, მეცა? ეს უოველივე იცით თქვენც მამაო, და ამიტო-

*) ქუთაისის საკითხი მძღული მ. ა. გეოსამიას წვლილით დაუბრუნდა 1906 წ. ეკლესიას.

მაცაა, რომ ვოდებთ, შური გალაპარაკებთ!..

მერმე განაგრძობს მამა მოკეთე:

„ცაგერის საბლალოჩინოდგან მთელი ლეჩხუმის სამღვდლოება ვილანძღვებით. ანდაზაა! „ცაგერი და გვერო სვანებისა ეზო, ლუხვანი და ხარაგულა სვანებისგან დარანგულა“ (ეს სიტყვები მხოლოდ სვანების სიძულილით არის ნახმარი!) „ცაგერის ოლქის ბლალოჩინი და ს.ს. ხარაგულას, ოყურეშის და სანორჩის მღვდლები ერთმანეთს უჩივიან და ს. მღვდლო შენ მთელ სამღვდლოებას ღანძღავ“...“

ცაგერის ბლალოჩინი, იგივე მ. ი. მარგიანი, თქვენი მორჩილი მოსამსახურე სრულებით არ უჩივის ხარაგულის, ოყურეშის და სანორჩის მღვდლებს, არამედ ისინი მიჩივიან და ისიც უფრო თქვენისთანაების ჩაგონებით; მიჩივიან, მაგრამ სრულებით უსაფუძვლოთ, რაიც გამოძიებამ დაამტკიცა... ვინ იყენენ, რომ ჩემდამო რწმუნებულ მღვდლებს არწმუნებდნენ: „ებისკობოსი არა სწყალობს მარგიანს, გვირჩია უჩივლოს სამღვდლოებამ და დავითხოვ ბლალოჩინობიდგანაო!“ ამაზე შორს-ლა წავა ვერაგობა!

ეხლა გკითხავ, მამაო, ვინ ვისგან ილახდებდა უბრალოდ?!

მამაო, თქვენ სხვას ეძახით ცილის მწამებელს და ეს სახელი — კი თქვენზე ყოფილა ზედ-გამოქრილი.

დასკვნა: 1) მამა მოძღვრის წერალი ქუჩურ საუბარს მოგვაგონებს: იგი მოკლებულია ზრდილობას, ლოდიკის რამ ნიშანწყალი არც-კი ეტყობა, გრამმატიკის მხრით ძლიერ წაისუსტებს და ენის უცოდინობა უეციის სახელს უმტკიცებს მის ავტორს!

2) იგი ზიზღითა და პირადული ანგარიშებით არის გაჟღენთილი და ჩემდამო მომართული.

3) სამწუხარო მდგომარეობაში კი

არა, აღყვავებაშია ჩემდამო რწმუნებულნი ცაგერის ტაძარი და ეს ავტორს ხსენებულ წერილისას მეტათ აწუხებს.

4) მე ლეჩხუმის წინაშე სიკეთის მეტი ცული არაფერი არ მიმიძღვის.

5) სვანები ძმები ვართ ლეჩხუმელ-რაქველ-იმერელ-გურულ-კახელებისა, ამიტომაც ჩვენში მოსამსახურე მღვდელი არა სვანთ, ჩვენ არამც თუ არა ვთიშავთ ჩვენგან, პირიქით საკუთარ ძმებად მიგვაჩნია.

6) ლეჩხუმში მოსამსახურე მღვდელთა (სვან-რაქველ-იმერელთა) უმეტესი ნაწილი საუკეთესო საღ ელემენტს შეადგენდა და შეადგენს.

ბლად. მღვდელი იოანე მარგანი.

მადლობის გამოცხადება!

მ. რედაქტორო!

უმორჩილესად გთხოვ ნება მიბოძოთ, თქვენი პატრიარქული გაზეთის „შინაური საქმეების“ საშუალებით უღრმესი მადლობა გამოვუცხადო, როგორც შე, ისე სოფ. ჯვარჯინის წმინდის გიორგის ეკლესიის მრევლის მხრით, ხსენებული ეკლესიის მღვდელს მ. სოლომონ გეთია, რომელმაც თავის მეტაურობით და დაუღალავი შრომით განაახლა ეს ეკლესია ახალი უძვირფასესი ხატებით და ჩაღანგარო „ჩეკანის ბელობისა წმინდა იქოის ფონზე ეკლესიის შემოსავლიდან, ღირებული 1010 მანეთად, ეზლა ღეთის შემწეობით ეკლესია შესაფერად მორთულია, მხოლოდ კედლების შეღესვა აკლია, რომლის აუშნოებს ძვირფას მხატრობას. უიმედოვნებთ, რომ მიმა სოლომონი დატრიალდება თავისებურად და იმასაც შესძენს, რითაც დააგვირგვინებს თავის სამწყსოში მოღვაწეობას.

იმედი მაქვს ხსენებულ პირს წამბაძველნი აღმოუჩნდებიან, რომელთაც დიდი მადლობა გამოვუცხადებთ გაზეთის საშუალებით.

სოფლის არგვეთის ორკლასიანი სკოლის მოსწავლე-სამრევლო სკოლის გამგე მდ. ნესტორ დევიძე.

მამაო რედაქტორო!

უმორჩილესად გთხოვ ნება გვიბოძოთ, თქვენი პატრიარქული გაზეთის „შინაური საქმეების“ საშუალებით უღრმესი მადლობა გამოვუცხადო, როგორც პირადად ჩემგან, ისე სოფ. ჯვარჯინის წმინდის გიორგის ეკლესიის მრევლის მხრით, ხსენებული ეკლესიის მღვდელს მ. სოლომონ გეთია, რომელმაც თავის მეტაურობით და დაუღალავი შრომით განაახლა ეს ეკლესია ახალი უძვირფასესი ხატებით და ჩაღანგარო „ჩეკანის ბელობისა წმინდა იქოის ფონზე ეკლესიის შემოსავლიდან, ღირებული 1010 მანეთად, ეზლა ღეთის შემწეობით ეკლესია შესაფერად მორთულია, მხოლოდ კედლების შეღესვა აკლია, რომლის აუშნოებს ძვირფას მხატრობას. უიმედოვნებთ, რომ მიმა სოლომონი დატრიალდება თავისებურად და იმასაც შესძენს, რითაც დააგვირგვინებს თავის სამწყსოში მოღვაწეობას.

ამა ეკლესიის ორკლასიანი სკოლის მოსწავლე-ელი მიხეილ შანია.

რედაქტორი მღვდელი სიმონ მავალიძე.
გამომცემელი იოსებ ლაქაძე.

ძიილება ხელის მოწერა 1913 წლისათვის.
შოველთვიურ ჟურნალ

„განთიადზე“
(წელიწადი პირველი)

და შოველთვიურ გაზეთ

შინაურ საქმეებზე“

წელიწადი მეხუთე

წლიური ფასი ჟურნალისა ცალკე 5 მანეთი, გაზეთისა 1 მანეთი, ორივესი ერთად 8 მანეთი. სახალხო სამკითხველოებს და სოფლის მოსწავლეებს ორივე გამოცემა წლიურად 7 მანეთად დაეთმობა. ორივე გამოცემა სარწმუნოებრივ-საზოგადოებრივია.

რედ. მდ. ს. მკვდელიძე.

ჩვენი უკაფი. (ქურნალ-გახეთების კანტორა „იმერეთი“)

ამ ეპიკურ ძმობის უკაფი ბ. ი. კვიციანიძის
ქურნალ-გახეთების კანტორაში იმეკონება შემ-
დევი სარწმუნოებრივ შინაარსის წიგნები და
წიგნაკები:

1. მხედრული სახარება სამოკუქულოთი და დავითნი და დიდი და პატარა ფორმატისა.
2. საეპოლოგები.
3. სიბრძნე მალავარისა.
4. ცხოვრება წმ. საკვირველ-მოქმედისა ნიკოლოზისა.
5. ცხოვრება წმ. მტს. თეკლასი.
6. ცხოვრება ღირსისა მამისა ილარიონ ქართველისა.
7. — ღირსისა მამისა მაკარი ეგვიპტელისა.
8. — ღირსისა დედისა თეოდორასი.
9. — წმ. უვესლო მკურნალისა პანტელეიშონისა.
10. ცხოვრება დიდისა მოწამისა ვესტატისი.
11. წამება წმ. მიქელ ტრიმიდატელისა.
12. ცხოვრება შვილთა ყრმათა ეფესელთა.
13. ხორციელად დაფლვა ქრისტესი და შთასვლა ჯოჯოხეთში.
14. ცხოვრება თედორე გვარ-მტვირთველისა.
15. — ისე წილენელ გბისკოპოსისა.
16. მანანა
17. ცხოვრება წმ. ევსელისა.
18. კოდქრობა.
19. ფილოსოფიისი სოკრატე.
20. ცხოვრება წმ. მოწ. თეოდორე უიროსისა
21. წამება წმ. მარინესი.
22. ცხოვრება წმ. იაკობ დაჭრილისა.
23. ცხოვრება ალექსი იუვის კაცისა
24. — თხულები მამისა ადმარტებელისა.
25. — ბონიფიუს სტეფენი.
26. წმ. ნინო ქართველი განმანათლებელი
27. წამება წმ. რაფელისა.
28. ოქროს წყარო.
29. ბრწყინი სტეფენი
30. ცხოვრება წმ. მარია ეგვიპტელისა.

31. პარაკლისი დავით გარესჯელისა.
32. ცხოვრება წმ. მამისა დავით გარესჯელისა.
33. ფაბიოლა, ანუ უწინდელი ქრისტიანები.
34. ნოტების სახელმძღვანელო.
35. კარგი ყველგან კარგია.
36. ენის გაჩენა.
37. მესამე ოქრო.
38. ბუნება და ადამიანი.
39. ქრისტიანობა და დემოკრატია.
40. ერთი ღამე აკლდამაში.
41. ახალი აღთქმის საღვთო ისტორია.
42. გზა ცხოვრებისა.
43. კაიაფას ვაფიშვილი.
44. პროფ. მაქს მიულლერის ახრი მატერიალიზმზე.
45. სარწმუნოება და მისი უარის მყოფელნი ჩვენში.
46. ქრისტე ღმერთია?
47. ქრისტიანობა ბებელის ლაბორატორიაში
48. წყარო ურწმუნოებისა.
49. მოკლე საეკლესიო ისტორია.
50. საში მცნება.
51. მოხსენება პროფ. ცაგარელისა საქართ. ეკ. ავტოკეფალიის შესახებ.
52. აკაკი როგორც მგოსანი მამულიშვილი.
53. არა კაც კლა.
54. პატარა ქრისტიანი.
55. წმ. ნინოს დღეობა და მისი მნიშვნელობა.
56. ათეიზმი, მისი წარმოშობა და გავლენა მეცნიერებასა და ცხოვრებაზე.
57. სოციალური მართლისა.
58. სინამდვილე სახარებისა და ქრისტეს მკვდრეთით აღდგომისა.
59. მოთხრობა შობისათვის უფლისა ჩვენისა ი. ქრისტესა.
60. ბეძღე ფოკა.
61. პატარა ქრისტიანი ანუ საქრობა თუ არა ეკლესიაში ვიარებოდეთ?
62. წამება წმიდისა მდწ. ვარსისა.

ქ. ქუთაისი, სტამბა „ძმობა“ კახაკის შესახვეუ. სახლი კმ 17